



29 JUN, 2022

Fakulti Perakaunan juara sulung Intervac VE UCS

Kosmo, Malaysia



Page 1 of 2

Fakulti Perakaunan juara sulung Intervac VE UCS

Oleh **ABDUL RAZAK IDRIS**

FAKULTI Perakaunan muncul sebagai juara sulung e-Sukan pada kejohanan Sukan Antara Fakulti Virtual Edition 2022 Universiti Teknologi Mara (UiTM) cawangan Selangor (UCS) baru-baru ini.

Ketua Unit Sukan UCS, Ahmad Tarmizy Mohamed berkata, Fakulti Perakaunan UCS berjaya meraih empat pingat emas, dua perak dan lima gangsa pada kejohanan berkenaan.

"Sukan Antara Fakulti Virtual Edition, UiTM UCS adalah program anjuran Unit Sukan UCS yang julung-julung kali diadakan dan telah dijenamakan sebagai INTERFAC VE UCS.

"Program itu telah dilaksanakan dengan jayanya bermula pada 10 hingga 26 Jun lalu secara dalam talian dan berpusat di Unit Sukan UCS," katanya dalam satu kenyataan semalam.

Ahmad Tarmizy berkata, sebanyak 12 fakulti di dalam

sistem pentadbiran UiTM Cawangan Selangor menyertai kejohanan tersebut dengan penglibatan lebih 450 orang mahasiswa, sukarelawan dan petugas.

Katanya, kejohanan itu mempertandingkan sebanyak tujuh acara dengan terbahagi kepada dua kategori iaitu berpasukan dan individu.

"Acara berpasukan yang dipertandingkan melibatkan permainan Player Unknown's Battleground (PUBG), Mobile Legend (ML), Call of Duty (COD) dan Counter Strike:Global Offensive (CS:GO).

"Bagi acara individu pula, permainan e-Sukan yang dipertandingkan ialah FIFA 2022, MotoGP 2022 dan Tekken 7," katanya.

Ahmad Tarmizy memberitahu, Unit Sukan UCS sedang merangka pelan mewujudkan hab e-Sukan di dalam kampus memandangkan jumlah mahasiswa di UCS mencecah 19,000 orang.



AHMAD TARMIZY (berdiri di belakang, tujuh dari kanan) bergambar dengan para pemenang pada Intervac VE UCS di Unit Sukan UCS baru-baru ini. - ABDUL RAZAK IDRIS



29 JUN, 2022

Fakulti Perakaunan juara sulung Intervac VE UCS

Kosmo, Malaysia



Page 2 of 2

SUMMARIES

FAKULTI Perakaunan muncul sebagai juara sulung e-Sukan pada kejohanan Sukan Antara Fakulti Virtual Edition 2022 Universiti Teknologi Mara (UiTM) cawangan Selangor (UCS) baru-baru ini. Ketua Unit Sukan UCS, Ahmad Tarmizy Mohamed berkata, Fakulti Perakaunan UCS berjaya meraih empat pingat emas, dua perak dan lima gangsa pada kejohanan berkenaan. "Sukan Antara Fakulti Virtual Edition, UiTM UCS adalah program anjuran Unit Sukan UCS yang julung-julung kali diadakan dan telah dijenamakan sebagai INTERFAC VE UCS.